



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Novum Gratiae Prodigiū: Sive Vita Venerabilis Matris,  
Sororis Joannæ à Jesu Maria Monialis Præcipui D. Claræ  
Coenobii In Bvrgos**

**Ameyugo, Francisco de**

**Coloniæ Agrippinæ**

Approbatio. Admodum Reverendi Patris Joannis Ortiz de Zarate, Lectoris  
Jubilati, sacri Officij Assessoris, acbis Ex-Provincialis Provinciæ Burgensis  
strictioris Observantiæ S. Patris Francisci.

**urn:nbn:de:hbz:466:1-37120**

# APPROBATIO.

ADMODUM REVERENDI PATRIS JOANNIS  
Ortiz de Zarate, Lectoris Jubilati, sacri Officij Assessoris,  
ac bis Ex-Provincialis Provinciae Burgensis  
strictioris Observantiae S. Patris Francisci.

**J**Ussu ac ordinatione Reverendissimi nostri P.F. Josephi Ximenez Samantiego Lectoris Jubilati, atque in Regali congregatione Immaculae Conceptionis Theologi, nec non Generalis Commissarii totius Ordinis S. P. N. Francisci, &c. singulari studio ac complacentia perlegi Librum qui intitulatus est: Novum Prodigium gratiae inveniendum in vita Venerabilis Matris Sororis Joannae à JESU MARIA, Monialis praecipui Conventus D. Clarae in Civitate Burgensi, Metropoli Castiliae. Istam Sororem Joannam novi in saeculo, ac postmodum in Caenobio cum illa egi, ab ipsa ejus infantia admirandae ejus vitae percepi bonum odorem: Audivi multa de arumoso ejus matrimonio, de mira ejus poenitentia, mortificatione, ardentissima charitate ac zelo, singulari ejusdem patientia, humilitate atque omnium virtutum in summa perfectione exercitio, prout id copiosius in praesentis vitae Historia conscriptum est. Singulare quoddam naturae simul ac gratiae vita haec est prodigium, in qua nemo non qui eam legerit, ceu in sacro quodam horto ac grato deliciarum Sponsi Coelestis Paradiso totidem fructus leget, quot virtutum exempla suos derivaverit in usus. Hoc illud est, quod D. Bernardus dicto quodam gratioso indicat; *Tanquam ligna fructifera in horto sponsi & in Paradiso DEI, de quorum bonis actibus & moribus, quod sumis exempla, tot carpis poma.* Comperimus porro quod Venerabilis Mater Sor. Joanna in cunctis statibus, totoque in longum pro te latae vitae spatio, saepe Virgo intaminata, ac singularis odor sanctitatis extiterit, qui merito omnes, qui mortui non sunt, aut in vita spirituali computruere, ad legenda ejus in via virtutis vestigia trahit & incitat. Per simile jam dictus Doctor in ejusmodi consideratione facit conclusionem Bern. serm. 22. sup. Cant. *Ergo qui vitalem hanc sparsam ubique fragrantiam non sentit, & ob hoc non currit, aut mortuus est, aut putridus. Fragrantia fama est, pervenit opinionis odor, excitat ad currendum, perducit ad unctiois experimentum.*

Scriptor hujusce novi prodigij est noster Admodum Reverendus Pater Franciscus de Ameyugo, Lector Jubilatus & Ex-Provincialis hujus Provinciae Burgensis. Ad tam admirandam raramque & exoticam vitam literis mandandam, erat singularis hic scriptor necessarius, atque ad tam sublimem spiritum, talis tanque bonus calamus, qui ipsa fronte ac titulo hujus libri totam rerum synopsis obtutibus proponit, uti Socrates Gnomol. ex Orat. Conit. Sophist. docet: *Prastandum est ut libri argumentum titulo respondeat.* sua Reverentia utitur gravi, arguto, nitido ac venusto, scribendi modo, neque sublimis ille sententiarum spiritus ornatu eloquentiae quicquam obtunditur, estque liber hic  
praeclaro

APPROBATIO

præclaro scriptiōnis genere, velut gemmis quibusdam exornatus; & primis quidem ejus libri partibus superat Author complures alios, in posterioribus verò transcendit etiam semetipsum. Quamobrem ego in hac mea censura & approbatione dicere id queo, quod D. Hieron. tom. 1. ad Paulin. in consimili approbatione eidem Divo Paulino dixit: videlicet; Librum tuum quem prudenter ornatèque compositum transmisisti, libenter legi, & præcipuè mihi in eo subdiviso placuit; cumque in primis partibus vincas alios, in penultimis teipsum superas, sed & ipsum genus eloquii pressum est & nitidum, & cùm Tullianâ luceat puritate, crebrum est in sententiis.

In hac vita reperitur est acrem stimulum peccator ad pœnitentiã, Justus magnanimitatem fortemque animum ad progrediendum in sanctitate, Spiritus illuminationem, Pius calorem atque ignem ad se in ea magis accendendum. Nec minus hic disertus quisque ornatu sententiarum in Eloquentia proficiet. Doctus etiam sibi vitam hanc fructuosam cum primis atque utilem reddere potest. Plurimas ac diversas is inveniet causas admirandi, magnam potentie vim imbecillis nature, per auxilium & assistentiam gratie divinæ sustentatæ. Itaque plus quàm æquum est, ut petita Facultas tribuatur, imò præcipiatur, ut quantocius ad summam DEI gloriam, atque utilitatem universalis Ecclesiæ Catholicæ typis mandetur. Hæc mea est mens & Judicium, salvo meliori &c. Datum in hoc Conventu nostro S. P. N. Seraphici Francisci de S. Dominico in vico lapideo 3. Augusti 1672.

FACULTAS ORDINIS.

F. JOSEPHUS XIMENEZ SAMANIEGO LECTOR JUBILATUS, in Regia Congregatione de Immaculata Conceptione Theologus, Commissarius Generalis, ac servus Ordinis S. P. N. Francisci, quàm procul nimirum Ordo ex hac parte montium extenditur &c.

Concedimus hinc facultatem Reverendo P. Francisco de Ameyugo Lectori Jubilato ac Presbytero Provinciæ nostræ Burgensis, ut typis edere valeat librum ab se confectum, sequentis tituli. Neo-Prodigium gratie invenendum in Vita Venerabilis Matris Sororis Joannæ à JESU MARIA &c. Est liber hic à doctis præcipuisque Religiosis nostris approbatus, quibus præceperamus suam de eo ferre sententiam. Potest itaque præsens liber juxta Ordinationem S. Concilii Tridentini, atque secundum Regias leges typis mandari, atque in publicum edi.

Datum in Cœnobio B. Virginis M. de Angelis S. Dominici, in Vico lapideo. 7. Julij 1671.

*F. Joseph Ximenez Samaniego Commiss. Generalis.  
Ex Mandato*

*F. Didacus Fernandez de Angulo scriba Generalis*

† †

Appro;